

明治
新刻

日本政記

大郷穆編次

第六冊

特32

506

第六冊目次

卷之十

後鳥羽天皇

土御門天皇

卷之十一

順德天皇

九條廢帝

後堀河天皇

四條天皇

後嵯峨天皇

後深草天皇

龜山天皇

後宇多天皇

伏見天皇

後伏見天皇

後二條天皇

花園天皇

明治十二年九月廿七日購求

教育博

第八十二世
紀元千八百
四十四年

明治新刻 日本政記卷之十

石川縣 大鄉 穆 編次

後鳥羽天皇

諱尊成。高倉帝第四子。母七條院藤原氏。修理大夫信隆女。在

位十六年。改元三。曰元曆。文治。建久。○按自帝至順德帝凡三世。源賴朝父子相繼

分掌天下兵馬之權。是為王綱第六變。

安德帝在太宰府。法皇憂京師無主。詔平時

忠諭宗盛等還車駕及神器。宗盛不奉詔於

是法皇下。敕遙廢安德帝立帝。踐祚初法皇

日本政記

卷之十 後鳥羽

高倉書院藏

類國史
屬雜史
冊十
函六
第七
第一
第四

藤原兼實上
言立新主

ト待先帝還與立新主待先帝還吉時右大臣藤原兼實上言天下不可一日無主而曠位至今民心無所繫宜早立主一也平氏挾乘輿號令諸國吾討之無名宜早立主二也祖宗之制無劍璽則不得即位然繼體帝即位以前稱踐祚及得劍璽乃即位今所當準據宜早立主三也有此三宜不早決群盜滋起法皇嘉納之乃議所立議者謂世亂宜立長君法皇問源義仲義仲屬意於北陸宮北

上立帝

陸宮以仁王子嘗犇義仲於越後既奉在京師乃奏曰立君重事非臣輩所敢議然高倉宮憤陛下幽厄倡義殺身雖謀不遂節烈天下臣等奉遺令以有今日宜立其胤慰王靈或曰北陸宮嘗為僧不可或曰法皇宜重登祚法皇欲擇一皇孫立之即守貞及帝也卜之守貞吉法皇寵姬丹波局勸法皇立帝法皇難違義仲意再卜之帝吉遂立焉按二帝並立自古未之有也平氏聞之悔其不奉去也天武帝以後兩王爭

位至是 第四回

青山延于曰。當養和帝之播遷西海京師無主。藤原兼實勸法皇立後鳥羽帝。其言以為朝廷無主而討平氏師出無名。蓋兼實以立主為處權之宜。殊不知其所以處權者。適足以開亂源。長厲階。當是時。為之計宜速。命將出師以迎鸞輿。使平氏之徒知法皇曠位而待帝。安知其不悔過而還鸞輿於京師哉。萬一鸞輿不還。有意外之變。然後立主京師。庶

幾得處變之宜矣。不計出此。速立新主。不知正閔所係。何以異於元魏孫騰說高歡而立廢帝哉。延元以後。南北分為兩統。由兼實作備。可不衰哉。

山縣禎曰。孔子曰。天無二日。民無二王。今安德帝尚在。而京師別立主。是有二王也。其悖理亦甚矣。易云。一君而二民。君子之道也。二君而一民。小人之道也。夫民有二君。天下何以能定乎哉。

緒方惟能舉兵西海將士多應之獨菊池隆直屬平氏惟能使子惟村謂平氏曰法皇有敕臣不敢不從請勿留本土平時忠怒謂之曰汝獨不聞天武走吉野而濟大業邪主上必有反正之日汝等熟慮焉惟村還報惟能乃襲太宰府隆直等拒戰於博多不利逃去宗盛奉先帝赴讚岐造宮屋嶋南海將士皆來屬○初源義仲以議不行大忿自是漸驕肆時糧食竭乏乃縱兵抄暴京畿法皇稍厭之將召賴朝義仲不懌

造宮屋嶋

復賴朝本官

水嶋之役

欲邀拒之賴朝遣使訴義仲欲討已且陳不入朝便宜於是法皇欲弭義仲橫暴賜之上野信濃一國又欲使賴朝義仲和解乃諭旨賴朝許其所請領東海東山二道但北陸一道憚義仲不許命義仲討平氏○救復源賴朝本官右兵衛佐○源義仲發京師至備中遣部將足利義清源義家曾孫海野幸廣等陣于水嶋平重衡通盛等以兵船三百餘艘相持義清以百餘艘進登岸而戰平氏前後雨射義清等逃而登船會暴

風北兵不習水戰皆仆船中平氏乘之殺溺甚衆義清等戰死備中悉屬平氏義仲欲進攻屋嶋聞賴朝遣二弟範賴浦冠義經西上引兵而還法皇遣使止之義仲不奉詔○源賴朝有智術謀事甚深欲得上心以除義仲乃奏請還平氏所侵奪國領及莊園於本主又平氏歸降者盡從赦宥源平竝仕同護朝廷如往昔故事詔許之法皇益屬意於賴朝遣使召之於是使範賴等監貢賦西上其實訶義仲也○源行家與

源賴朝獻貢賦

平教盛重衡戰于室山敗還義仲亦入京師乃潛興行家謀欲奉法皇北還行家不從密奏之法皇乃使僧靜憲詰義仲義仲對曰臣慨官家貳於賴朝故欲與之決雌雄耳至如奉乘輿臨行陣殊屬妄言臣甚懼焉義仲以為行家泄謀遂詣官請得讒人詔慰解之又奏請賜討賴朝宣不聽義仲兵抄掠滋甚都下騷然○法皇以屢趣義仲西征而竟不發察其有異謀乃遣檢非違使平知康詰之知康善擊鼓世稱鼓判官

鼓判官

源義仲叛

源義仲奪公卿官爵

義仲曰。卿有鼓判官之目。豈為人所擊乎。知康怒還。奏曰。請討義仲。法皇乃徵延曆園城二寺僧兵備之。○源義仲舉兵。遂叛樋口兼光次弟。今井兼平四郎切諫之不聽。輒曰。吾與敵人寧抗王者。汝等勉之。勿為賴朝所笑。乃進圍法住寺殿。縱火燒之。知康敗走。遂遷帝于閑院。法皇于攝政基通第。公卿宮人。為亂兵所剝奪。皆裸跣而遁。義仲乃謂將士曰。為帝為院。唯吾所欲。卿等亦何求而不得。乃褫公卿以下四十餘人。

源義仲感悟

源義仲請討賴朝宣

源義仲為征夷大將軍

官爵。以其妻兄藤原師家為攝政。自為院。既別當已。而義仲外舅藤原基房徐開諭之。義仲感悟。乃徙法皇于西洞院。○源範賴。義經已至伊勢。義仲聞之大驚。乃欲與平氏連和。共擊賴朝。密遣書屋嶋言其意。宗盛欲許之。知盛曰。彼使我至此極。我乃與之和。恐賴朝之笑我也。乃止焉。義仲又請賜討賴朝宣。法皇不得已而許之。○是歲召還前太政大臣師長。○元曆元年甲辰。以源義仲為征夷大將軍。按征夷之名。自日本武始。征夷將軍之號。

菟道川之役

自_レ文屋綿丸始爾來以_レ義仲為中興法皇素憂義仲凶暴欲弭之因有是命以待東軍而義仲不悟遂欲往擊平氏適聞東軍稍近乃止○源範賴義經將兵六萬討義仲範賴從勢多義經從菟道二道並進先是源行家據河內與義仲絕義仲遣樋口兼光往攻是時未還義仲兵甚寡遣今井兼平根井行親等撤菟道勢多一橋拒之義經至菟道火廬舍以布陣焉起櫓自登具筆硯書將士功最日將以報鎌倉也將士皆奮又令曰勇士緣

佐佐木高綱

梶原景季

橋架防敵勿使敵射我濟者平山季重熊谷直實等上架射戰良久初賴朝有駿馬一曰池月日磨墨池月尤駿以與佐佐木高綱與磨墨梶原景季至是一騎並鞭亂流而進高綱差後給景季曰子馬條慢恐覆墮景季駐轡約條高綱超乘而過上岸自名景季遂後畠山重忠以手兵五百踵渡流矢中馬乃泅而達岸揮刀而進北兵辟易義經乃麾全軍渡擊大破之義仲猶在京師赴法皇宮請幸醍醐寺弗聽義仲拔

刀瞋目立于階下起之宮中恟怖會有兵來告
 急義仲馳出又訣妻於五條第眷戀久之有二
 士諫而死義仲乃出兵僅二百望見東軍旗幟
 彌天曰吾死矣驅進與義經遇義經以數百騎
 揮鞭奮擊因亂射之義仲大敗被創走範賴亦
 濟供御瀨合勢追擊義仲收殘兵西走是役義
 經遂上功簿高綱為先登第一景季為第二〇
 源義經與畠山重忠等詣法皇宮法皇大喜延
 見時義經穿赤錦袍重忠被緋甲梶原景季著

源義經畠山重忠等謁法皇

玄甲佐佐木高綱擐黃甲謁者指其色一一奏
 名法皇曰皆壯士也因敕護宮焉〇義仲既遁
 至粟津部將今井兼平以為平氏在西賴朝在
 東我保北國以三分天下猶可及也因勸義仲
 欲走據越後乃樹旗集散兵得數百騎時源範
 賴以數千騎圍之義仲奮戰盡亡其騎馬陷于
 淖箭中額死兼平聞之啣刀墜馬自貫而死初
 義仲之興也武威顯赫俄進官爵世呼曰旭日
 將軍至是死年二十一樋口兼光方破源行家

義仲伏誅

聞義仲敗引還途被虜東軍振旅傳義仲以下
 首京師帛書其髻曰賊義仲縛兼光從其後遂
 斬之兼光兼平行親凡十七人○初義仲有妾
 曰鞆繪今井兼平妹也美而勇敢常從軍每戰
 將別部及義仲敗走單騎止鬪畠山重忠欲生
 獲之迫攫其甲袖鞆繪策馬馬躍袖絕重忠舍
 之而還遠江人內田家吉膂力絕人鞆繪與之
 相搏斬其首持視義仲義仲歎曰家吉美而勇
 乃死於女子手不知吾亦終授首何人也因諭

鞆繪斬內田家吉

鞆繪遁去鞆繪請共死義仲強之鞆繪乃涕泣
 而去削髮為尼居越後祈義仲冥福以終身云
 義仲子義高質於鎌倉賴朝妻以女及義仲敗
 義高出奔賴朝追捕斬之妻悲慟不食欲改嫁
 之不聽終以憂死○京師自東北兵起四方不
 輸租賦加以義仲抄掠近地麥禾幾盡由是米
 粟常乏道殣相望及範賴等至始獻貢賦○法
 皇罷攝政內大臣師家復基通攝政藤原實定
 內大臣師家在職僅一旬比之七日關白○義

七日關白

一谷之役

仲既死平宗盛聞之遷自南海復福原故都築城以奉先帝焉負山臨海生田為東門一谷為西門大艦數千兵十萬餘以為備平教盛等擊備前淡路讚岐等諸源悉平之威振關西謀復京師源賴朝以法皇宣旨命一弟範賴義經移兵攻之範賴以五萬騎向東門義經以萬騎向西門宗盛聞之使知盛重衡拒東門貞能等拒西門而資盛有盛等守北門義經進至二草山急襲資盛破之資盛奔屋嶋義經令土肥實平

籠挿梅花

源義經踰鶉越

等以七千騎赴西門自將精騎三千向城後間道鶉越範賴亦令諸軍薄東門重衡知盛等擊卻之梶原景時破柵入鬪既退失景季所在再入索之景季方在敵中被髮而鬪籠挿梅花以自標景時乃突敵拏之而出是時城兵專防東西二門而不防間道鶉越義經得土人鷲尾經春為鄉導既至鶉越下瞰城中戰方酣欲急下應之而崖壁斗絕衆相目莫敢進者乃下鞍馬數匹試之或傷或達義經曰可下矣但從我所

一谷陷

平知章戰死

平敦盛戰死

騎乃屈馬後足。一鞭而下。衆皆倣之。直達城後。大呼而入。城兵驚潰。義經縱火燒城。烟焰漲天。範賴實平之兵亦破東西門而入。三面合擊。城遂陷。宗盛奉先帝航海。衆爭乘舟。知盛獨後。東兵有識知盛者。追而擊之。垂及其子知章。時年十七。遮鬪死之。敦盛亦年十七。望知盛舟馳之。熊谷直實捕斬之。是日直實聞城上有笛聲。及獲敦盛腰挿笛。乃以為所聞者是也。先是忠度與岡部忠澄六彌鬪。搏忠澄伏之。三刺之。不入。

檻致平重衡於鎌倉

終為忠澄僕。所殺忠澄。檢其鎧。得歌稿。因知其為忠度也。是役平氏將校死者凡十一人。獨重衡被擒。宗盛遂逃保屋嶋。○檻致平重衡於鎌倉。初法皇使人諭重衡曰。女貽書宗盛。使奉還劍璽。則宥女死。重衡知宗盛必拒命。然不敢不奉教。乃作書付院宣使。宗盛果不許。平時忠又辱院使。劓而逐之。法皇怒。以重衡附賴朝誅焉。重衡既至。賴朝以平氏未夷。不輒殺之。為具湯沐。令姬千手侍。一日侑酒。千手彈琵琶。重衡朗

燭暗數行虞氏淚夜深四面楚歌聲

復平賴盛官爵

吟曰。燭暗數行虞氏淚。夜深四面楚歌聲。賴朝微行。偶聞而憫之。更遣名姬伊王與千手更直及重衡被斬。一姬皆削髮為尼云。○賴朝欲報平賴盛及其家人平宗清。舊恩屢致書招之。賴盛乃語宗清。宗清不肯從。曰。君若出兵。臣當先驅。乃東行受報。臣深愧之。遂辭而西。赴屋嶋。賴盛至鎌倉。賴朝厚遇之。乃奏法皇。復賴盛及子光盛官爵。

山縣禎曰。當是時。天下滔滔。唯利之視。不復知

義理。羞恥之為何事也。宗清獨舍利而取義。非其見之卓絕。其守之堅確。亦安能至此哉。其清節可以風勵百世矣。而賴盛貪饒。獨無愧乎其心。何耶。或曰。宗清之救賴朝。是養虎而貽害者也。平氏一門。至顛路覆亡者。實基於此。宗清豈得道其咎哉。曰。然。然。初宗清之救賴朝。義朝父子既亡。於是惻其僂然。無所恃。以為藐諸孤。復何能為。乃請池尼而免之。不暇慮後患而已。雖然。義朝者逆賊也。賴朝雖幼。從父而叛。則罪固

不得免誅宗清以王法處之可也况他日闔族滅亡基於此則宗清亦奚得免其咎哉君子於人功罪不相掩是其是非非可矣

藤原兼實再上言

帝即位於太政官廳初右大臣兼實引繼體帝故事勸法皇立帝以為及得劍璽即正位無不可矣至是上言以為劍璽未還而即位是傷國體啓僭亂也法皇不聽○先是賴朝奏範賴為參河守時義經亦求官賴朝忌其功不許自是兄弟始有隙○法皇特錄義經功任左衛門少

法皇錄義經功

二日平氏

源賴朝置公文所及問注所

尉兼檢非違使尋叙從五位下聽昇殿賴朝聞而益忌之○先是平氏黨貞能弟貞繼等起兵伊賀襲破守護大內惟義進入近江佐佐木秀義帥兵逆擊惟義亦來援遂大破之世呼曰三日平氏○賴朝令範賴領西海軍事義經領南海軍事法皇敕令範賴先發焉○是歲賴朝置公文所以大江廣元匡房之曾孫為別當以出政令置問注所以三善康信為執事以決訟獄○文治元年乙巳先是源範賴入周防患糧乏遣使告

屋嶋之役

賴朝。賴朝答書且戒之曰。軍中務以綏撫為事。
 慎勿令眾抱危疑。先帝及太后皆宜保全之。苟
 以此下令安知二位尼不奉帝而來。至如宗盛
 固怯懦。必生得之。至是範賴進至赤間關。雷部
 將三浦義澄守之。自率諸軍濟海。時賴朝所給
 糧船至。軍益振。遂破菊池種直於葦屋浦。○遣
 左衛門少尉源義經攻屋嶋。是時參河守源範
 賴攻西海前。中納言平知盛據長門。義經進至
 渡邊。將航海。會諸將議軍事。梶原景時曰。請為

源義經梶原景時論逆櫓

逆櫓。義經曰。何謂逆櫓。曰。舳艫皆設櫓。進以舳
 退以艫。義經曰。督眾赴敵。猶患易退。奈何。逆為
 走計。曰。謀出萬全。謂之良將。知進而不知退。謂
 之猪武。義經作色曰。猪耶鹿耶。吾不自知。吾唯
 知進擊。殄敵為快而已。卿若為大將。逆櫓千百。
 唯卿所欲。吾則不敢。景時慙恚。自是漸生隙。既
 而。義經將解纜。時大風舟人皆止之。義經曰。今
 敵心無備。利在急進。敢止者。斬。乃發。獨畠山重
 忠。土肥實平。和田義盛等四船從之。其餘畏景

時不發義經至尼子浦海上三日程未過二時而達敵將櫻間良遠以兵二百陣岸上義經帥百五十騎登岸奮擊擒良遠又給一卒問而知屋嶋城潮退可騎渡乃疾馳赴之縱火高裕民家西軍望見大驚平宗盛奉先帝航海是時兵士從義經者僅七八義經恐敵知其寡單也乃又縱火燒城城兵皆航更來迫岸七人拒射東軍後者稍稍來屬日既晡敵出一舟載美姬挿扇于竿植之舳去陸五十步麾而請射義經乃

那須與一射扇

藤原景清與美尾屋十郎鬪

大胡斬鞆六郎

命那須宗高與一射之宗高脫胃徐出按轡水中一發中之扇轂斷而翻墮兩軍呼譟如雷義經賞以鞍馬西軍怒而來戰藤原景清與義經部下士美尾屋十郎遇十郎鬪走景清追攬其鏹鏹斷桂之雉刀大呼而進東兵莫敢近西軍踵上義經親擊之西軍佯退上舟義經追而入海備後力士鞆六郎走輕舸覘義經伊勢義盛壯士大胡泅而潛行水底騰身搏六郎共沒遂斬首獻之義經賞以佩刀西軍爭下鐵搭欲鉤義

日本正言 卷之十

源義經以鞭投弓

佐藤嗣信翼蔽義經

經義經挺刀扞之適墮弓俯欲收之鐵搭亂鉤終以鞭投之收而還從兵曰君何輕身而重弓曰吾弓不勁恐貽敵笑也西軍憾逸義經集精兵迫岸而射能登守教經勁弓長箭射殺最多佐藤嗣信以身蔽義經輒仆教經豎菊王欲斬其首嗣信弟忠信射殺菊王扶兄還營嗣信尋死義經哀悼葬之高松贈以所愛名馬一軍感泣皆思為義經死焉○前內大臣平宗盛既奉先帝次志度源義經追擊復破之宗盛逃而保

壇浦之役

引嶋時田口成能降義經梶原景時等阻風後發者亦來屬軍益振宗盛欲赴鎮西聞範賴軍豐後則泊于壇浦義經進攻之景時請為先鋒義經不許景時恚焉義經以成能內應知西軍謀乘之急攻西軍大敗權中納言平知盛乃赴先帝船諸嬪迎問狀知盛笑曰君等今見東國男兒耳諸嬪號泣二位尼時子乃挾寶劍神璽抱先帝出立船首帝問曰安之也時子曰將避賊箭他徙也遂俱投海死帝時年八歲建禮門

二位尼

日本正言

卷之十

十六

高宗建禮門

片岡經春救神璽

院亦繼投東兵搭救之送於義經船既而神璽
浮出片岡經春救之平行盛有盛等聞之皆戰
而死能登守教經搏戰殊厲義經望見嘆曰敗
軍之將奮厲如能州者能幾人吾恨不獲此人
為將耳教經欲與義經決死免胃撤鎧袖躍入
其船東兵遮鬪輒搏仆之直逼義經義經躍入
別舟教經不能躍而止安藝時家有膂力以二
壯士進搏教經蹴仆一人掖二人投水而死宗
盛及子右衛門督清宗權大納言平時忠等皆

平教經奮戰

平氏亡

神璽入京師

被虜知盛聞而悲憤久之曰吾可以死矣與教
盛皆自殺餘衆殆殲焉海水為之赤○源義經
護神璽及皇太后建禮門院皇弟併諸俘虜還京師
遣權中納言藤原經房參議藤原泰通等迎神
璽於鳥羽奉按於温明殿○源賴朝遣使令範
賴留鎮西國賴朝以功超叙從二位○遣源義
經檻送宗盛父子於鎌倉義經至腰越驛賴朝
不許入遣北條時政以俘來義經作狀因大江
廣元陳情不省初梶原景時與義經爭逆櫓議

腰越驛

又請為先鋒。義經不聽。以故景時深啣之。及平氏亡。致書賴朝。譖義經不循其節度。又嘗賴朝為義經聘。河越重賴女。義經既娶。平時忠女。賴朝怒。其與仇家婚。壇浦之捷。義經與建禮門院同舟。賴朝疑其私。至是益怒之。竟不見。義經憤悒焉。○平宗盛。清宗至鎌倉。賴朝坐簾內。隔庭見之。宗盛懾伏。請宥死。賴朝措魚于俎。加刀焉。示之諷。使自殺。宗盛不曉其意。乃復令義經押送西還。義經至篠原。斬之。梟首京師。初壇浦之

斬平宗盛及宗清

宗盛傘工兒

敗。二位尼視宗盛庸劣。不勝負荷。謂侍御曰。彼非故相國之子也。吾生重盛後。方再有姪相國。切望生男而女子生焉。吾恐其恨怒也。密使人易之一傘工男兒。故彼言行略不類重盛。恐為虜貽吾家之辱。至是果如其言。○斬平。重衡於奈良。與首僧徒。○流平。時忠於能登。平信基於備後。平時實於周防。○以源。義經任伊豫守。兼院。既別當。義經鎮衛京師。遵勤奉上。恩威行下。法皇倚賴焉。源賴朝益忌之。梶原景時又讒之。

僧昌俊襲源義經

曰。今平氏既滅。海內莫不風靡。可患者惟判官耳。不早為之所。必貽大患。賴朝然之。又聞義經與叔父行家密相往來。益疑其有異謀。遂圖除之。乃遣僧昌俊于京師。襲義經堀川第。不克。昌俊敗死。初。義經夜謂妾靜曰。吾心動。得非昌俊來襲耶。靜曰。大達塵起。人行踉蹌。必有故也。使婢訶之。昌俊集甲士。果將發焉。靜急取甲被。義經。義經乃出。所從僅七人。縱橫馳突。兵士聞變。稍稍馳聚。行家亦來援。昌俊遂敗。義經徑詣法

源賴朝葬義朝髑髏

源義經請討賴朝宣

皇宮。胄被箭。箭在腋者。僅二。奏變而還。既而。昌俊遂斬之。事聞。鎌倉賴朝喜曰。吾兵始有名矣。○先是。賴朝奏請造義朝廟。法皇許之。敕索義朝髑髏。令送鎌倉。賴朝素服迎之。創勝長壽院。至是。成乃葬之。○義經行家怨賴朝。終不容。乃迫請討賴朝。宣旨朝議。皆憚義經。欲權許之。獨右大臣藤原兼實曰。賴朝罪未至當討。且命弟討。况如之何。法皇不聽。遂許之。

永井定宗曰。源氏數世不之將器。而其老韜略

義經最為傑然矣。惜哉。其慣偏武閭。大義誇功。侮士遂為衆所疎也。然義經未有大過。賴朝素畏義經。勇才是以欲託其過而除之也。噫。賴朝苟欲天下無虞。則宜賞功舉賢。以至誠御衆也。而徒以權詐殺戮。耀武威。義經既死。天下豈無義經乎。父子二世親親相殘。四十余年。為北條奪其威柄。亦宜哉。

青山延于曰。甚哉。法皇之不明也。方義經之請院宣。使法皇用兼實之言。安有取怨於鎌倉而納侮於天下哉。且賴朝果有罪邪。不宜與以殊賞。賴朝果無罪邪。不宜加以刑戮。夫刑賞與奪。國家之大柄。人主所恃以為治者也。朝賞而夕罰。前與而後奪。使人不知所適。從法皇之舉措。如此。紀綱安得不壞。朝廷安得不衰。宜乎祿去王室。而權歸人臣也。

賴朝聞之。命範賴擊義經。範賴固辭不得。乃將發。賴朝曰。卿亦不可信。恐效九郎。尤範賴大懼。進誓書以謝。賴朝親率諸將進至黃瀨河。義經

源義經逃匿吉野山

置守護地頭

與行家奔鎮西。賴朝乃還鎌倉。法皇聞賴朝怨怒大驚。敕諸國捕義經行家。義經之去也。京人莫不歎惜焉。行上舟大物浦。遇颶風。與行家相失。即走大和。匿吉野山。○賴朝以朝廷宣義經等討已。怒不肯入朝。遣北條時政守護京師。用大江廣元議。使時政奏曰。天下姦豪伏匿諸道。不唯義經行家。若隨起發兵。則勞費不量。民苦誅求。請諸國置守護莊園。置地頭所在。逮捕則可不勞而自定矣。且常賦之外。課畿內及西南

四道。每段取米五升。以充兵糧。敕許之。自是國司之權移於守護。而朝廷愈衰矣。

尾藤孝肇曰。廣元有經世之略。而不用。乃予源大將軍以爲謀主。鎌府霸圖之興。廣元功居多焉。何其朝家之愚。而鎌府之智哉。宜乎王道日替。而伯業之盛。

賴襄曰。我邦先王常自儉。以撫其民。撫其民所以豐其食。其食豐。故其兵強。以威制海外。諸國是王政。所以興隆禮文。所以備具也。其後徒事

日本正言 卷之十一

禮支而遺其本流為奢靡克剝其民而委兵於將吏將吏自以其計策蓄糧餉養士卒而朝廷不省是王政所以衰頹武門代之興也於是置守護地頒於諸國以掌兵每段課五升以調食而天下一變矣

置議奏

賴朝以右大臣藤原兼實爭東討院宣頗德之乃薦兼實內覽章奏尋為攝政定議奏十人以內大臣藤原實定等充之奪預東討議者參議平親守右大辨藤原光雅等十餘人官爵坐黨

殺源行家

義經行家者大藏卿高階泰經刑部卿藤原賴經等皆處流○二年賴朝奏以比年軍興民不任農蠲相摸武藏等九國逋租遂薄正稅而諸國皆準之○北條時政還鎌倉留北條時定警衛京師初源行家乘船與義經相失漂着和泉潛匿民舍至是時定收斬之併其子光家傳首鎌倉○初源義經之出吉野也與妾靜訣別使僕齎資送歸京師僕奪其資弃靜靜獨行風雪中為山僧獲送之鎌倉賴朝問義經所在靜固

源義經妾靜

日本正言 卷之十一

源賴朝殺義經子

陳不知以其有姪留之。賴朝夫人政子聞其善歌舞欲召而觀之。稱疾不往。至是賴朝夫妻詣鶴岡祠。召靜命舞。固辭。政子強之。再三靜不得已起舞。工藤祐經搥鼓。畠山重忠擊銅拍子。其歌詞述慕義經意。聲調悽惋。衆皆無淚。賴朝不憚。政子爲之回護。乃賜衣而罷居。無幾生男。賴朝命安達清經沈之。由比浦靜見放還京師。○義經兵士佐藤忠信初從義經。匿吉野。時山僧群聚捕之。忠信佯稱義經亂射。令義經得間逃。

千載和歌集

源賴朝擊鬼界嶋

後匿京師。至是事覺。賴朝部下糟屋有季往襲之。忠信奮戰而死。○三年復置記錄所。○遣使長門求寶劍於海中。○皇太后宮大夫藤原俊成上千載和歌集。○四年先是源義經與妻河越氏及辨慶等爲道士裝。逃由北陸道奔陸奥。依押領使藤原秀衡。無何秀衡卒。遺言于泰衡。國事一委義經。至是賴朝奏敕泰衡誅義經。泰衡疑惑未舉事。○初賴朝疑義經黨走鬼界嶋。欲擊之。以攝政兼實難外征止之。至是賴朝偵

日本書紀

卷之二十一

高送妻或坂

知其地易取乃遣藤原信房天野遠景遂平之

○左大臣藤原經宗罷○五年法皇敕源賴朝

修大内○前左大臣藤原經宗薨世稱大炊御門左大臣

○召還流人平信基及弟時實等○賴朝怒泰

衡容匿義經遣僧昌寬於京師請討泰衡已而

泰衡遣兵襲義經於衣河辨慶及鷲尾經春等

奮戰死義經手刃妻子而自殺時年三十一泰

衡乃使使齎義經首獻鎌倉首至盛以漆函醇

酒浸之令和田義盛梶原景時檢之或曰義經

不死匿在蝦夷賴朝不復推究按或曰義經自

史論曰義經智勇兼備雖韓白無以過焉故能

麀平氏於西海建不世之勲然恃功專恣不思

善後之策醞釀讒慝兄弟不能相容身為亡虜

流離狼狽可勝痛惜世傳義經不死於衣川館

遁至蝦夷不知其果然否也今考東鑑閏四月

己未藤原泰衡襲義經殺之五月辛巳報至將

致首于鎌倉時源賴朝慶鶴岡浮圖故遣使止

之六月辛丑泰衡使者齎首至腰越漆函盛之

藤原泰衡襲源義經

日本書紀

卷之二十一

高送妻或坂

日本書紀卷之八十一

浸以美酒賴朝使和田義盛梶原景時檢之已未至辛丑相距四十二日天時暑熱雖函而浸酒焉得不壞爛腐敗孰能辨其真偽哉義經機警絕人臨危蹈險而不死者數其必不投首於庸劣之泰衡矣賴朝奸雄揚言天下以獲其首則足以鎮壓人心不必窮詰其實也不然何其暫緩至此乎蓋使泰衡襲殺義經然後聲其黨於義經之罪而取之此賴朝之成算固已瞭然於胸中亦可推而知也至今夷人崇奉義經祀

而神之揆之情理其或然矣

源賴朝擊藤原泰衡

賴朝謂泰衡久庇亂人罪均叛逆乃大徵兵用大庭景能策不待詔而發分軍三道竝進而賴朝自將中軍進至白河關泰衡軍于鞭楯而城厚檉山北使庶兄國衡將精兵二萬守之國衡將金剛秀綱以數千人為先鋒山下穿大濠引遇隈河瀦之賴朝令畠山重忠等擊破之秀綱退與國衡合賴朝攻之城固不拔小山朝政朝光以下殊死戰呼聲動地積鏃成堆朝光遣人

日本書紀

卷之八十一

二十五

鳥卷書或反

陸奥出羽悉平

自城後入大呼而射城兵大亂國衡潰圍走和田義盛追射之尋被斬朝光亦追獲秀綱泰衡聞敗而遁賴朝追擊至厨川謂衆曰祖先克貞任于厨川吾獲泰衡亦必於此地也時二道軍各敗敵而來會兵幾三十萬白旗蔽空泰衡將奔蝦夷至贅柵其部將河田二郎叛襲殺泰衡持首來降賴朝讓其不忠斬之命梟泰衡首至是救書始至泰衡族俊衡以下來降是役賴朝發鎌倉四十餘日而陸奥出羽悉平○賴朝既

克泰衡索其版籍皆罹兵燹因召諳知州事者使圖其所記以知其戶口阨塞慰撫人民留葛西清重掌國務其法一仍秀衡之舊勿得更革奏捷上將士功請分予二州地尋還鎌倉○泰衡之敗也部將由利維平被虜賴朝召見曰汝主世擁多兵而一朝族滅無死節之臣者何也對曰昔平治之亂左典厯不旋踵而敗身死於人手未知其優劣奈何賴朝默然愛其勇釋爲家人及泰衡舊臣大河兼任再作亂維平逆戰

而死初義經之奔鎮西也至攝津渡邊依源番番坐囚于鎌倉待刑數年會番妹督天野遠景征鬼界嶋而還親戚皆謂番必得釋遠景亦欲為之解救番不肯曰就囚非可恥賴朝又壯之釋立功以贖罪是役果有功竟復舊土○是歲以右大臣藤原實定為左大臣大納言藤原實房為右大臣權大納言藤原兼雅忠雅之子為內大臣○以攝政兼實為太政大臣職仍舊○建久元年庚戌帝加元服於紫宸殿以寶劍既沈海奉

帝加元服

畫御坐劍代之○先是召賴朝入朝豫造第於六波羅會大河兼任欲為其主泰衡復讐詐稱義經起兵出羽賴朝乃遣足利義兼義家之曾孫千葉常胤等討平之至是以天下全定乃議入朝以畠山重忠為前驅發鎌倉途過內海謁義朝塚先是青墓驛女延壽聞賴朝起還其所托刀截鬚至是賴朝至驛召延壽話舊○賴朝入京師先謁法皇然後朝帝帝敕任權大納言兼右近衛大將法皇待之甚厚每入見漏數刻輒退

源賴朝入朝

賴朝為總追捕使

事係霸府者標首別設竊揭之此以下倣

法皇敕賴朝將賞功臣二十人固辭不許乃舉
十人皆拜衛府官初朝綱日弛諸國多盜屢遣
追捕使討之至是賴朝請為天下總追捕使許
之於是兵馬之權悉歸賴朝矣按賴朝父子三
世相承司天下
兵馬之權是為霸圖第一變

賴襄曰擇六十六人之吏以宰海內民者王政
也及其政衰乃擇六十六人之將領以理海內
盜賊是鎌倉所以成霸業也雖然使時勢至此
者必有由焉上之人不用心於民而吏以納貨

進非純袴乳臭之子則慧黠貪汗之人知多取
租稅以資其私而已加之相家之專權其私采
封邑所在犬牙以妨礙吏治假使有公廉勤幹
者不能盡其職分也是以拜國司者多不欲往
徒遣其下僚代往或因其地方豪族代任所謂
目代也目代以監稅兼捕盜故謂之追捕使是
追捕使之名所由而起也故鎌倉因當時所目
習口慣者為名而請之而朝廷易於許之所謂
追捕使於國司則曰守護於莊園則曰地頭亦

皆因前是所有也。其名因前是所有而其實遂成前是所無。自此以還捕盜者反兼監稅其名輕而其實重也。

山縣禎曰前此藤原氏平氏秉天下之權也皆挾官爵之貴藉外戚之勢以爲重焉。然猶天子之大臣而擅威福者也。故其身雖貴重天下之土地非其有也。鎌倉氏則別建府於鎌倉以土地兵馬之權歸之於己。挾此以令天下賞功報勞必割地以與之。天下之武士皆歸焉。賴朝辭

大納言而東歸不敢以官爵之貴逼朝廷而至其威權之重則非復藤平二氏之所及也。自是而後天下之土地人民咸歸武門朝廷搢紳徒以官爵自高武弁之士乃以田祿相誇天下之勢於是乎判然矣。鎌府與京師相對立而天下之權勢全歸焉。是賴朝於我東方所以肇開霸王之業也。賴朝之躬此業其不臣之迹雖可惡其實則朝廷失馭將門代之而起勢不得不然也。已。

僧西行卒

日本正言 卷之八

高松本藏

是歲僧西行卒。西行姓佐藤。本名憲清。康清之子少
勇敢博通兵書。精射好和歌。嘗事鳥羽上皇。任
左兵衛尉。甚有寵。而慷慨時事。有遁世之志。一
日決志陳情辭官。還家有釋女。迎奉父衣。憲清
蹴之墜牀。直出削髮。改名西行。時年二十三。遂
周游天下。詠歌自娛。其妻亦為尼。西行過鎌倉。
途遇賴朝。賴朝素欽其名。乃喜延見。問以兵略。
西行曰。棄世以來。家世所傳悉皆焚之。然亦不
甚拒。為賴朝談兵一夕。及旦辭去。賴朝固留不

賴朝改公文所稱政所

可乃遺以銀猫。受而出。適見兒童游。便與之去。
至是卒。後世論者稱其知時云。○二年。先是源
賴朝上表辭職。而還鎌倉。凡往還所需。不累百
姓。遠近悅服。○賴朝改公文所稱政所。凡事以
政所下文行焉。○先是大納言藤原兼房。兼實之弟
為內大臣。至是轉為太政大臣。大納言藤原忠
親。家忠之孫為內大臣。○以攝政兼實為關白。○前
太政大臣實定薨。稱後德大寺○是歲賴朝以教旨
修法住寺殿。奉法皇。○三年。賴朝創永福寺於

日本正言

卷之八

三十

高松本藏

斬藤原忠光

鎌倉平氏遺臣藤原忠光忠清之子。總五郎。欲為平氏報仇。厠役徒中嵌魚鱗於左目。詐為眇者。運搬土石。以覘賴朝。賴朝適見其形狀異之。命左右收縛。探懷獲匕首。因詰其狀。忠光對以實。乃囚之。忠光不食月餘。賴朝命斬之。○三月法皇崩。後白壽六十六。葬山城蓮華院法華堂。法皇擁立五帝而政皆決於已。

史論曰。攝政兼實記。清原賴業語曰。嘗聞之於通憲法師。法皇之為關主。古今少其比。叛臣在

側。恬不之省。人雖言之。亦無所警。又載藤原俊憲語曰。法皇全然晉惠帝也。八王爭權。今將不遠甚矣。其言之也。此雖非臣子之所可擬議。亦當時之公論也。

以源賴朝為征夷大將軍

詔遣使就拜源賴朝正二位為征夷大將軍。賴朝懼坐受命。乃使三浦義澄迎大使于鶴岡祠。受詔書。初鎮守府置將軍。自是朝廷罷其職。○賴朝家臣熊谷直實與久下直光爭疆界。知梶原景時援直光。怒而走京師。佐佐木高綱菟道

雨大臣

賴朝獵富士野

會我祐成時致復仇

河之役給景季先之亦為景時所惡遜而入高野山一人皆斷髮為僧○是歲前太政大臣師長薨師長好音律最長琵琶天下嘗大旱師長奉敕彈琵琶於日吉祠以祈雨有應世呼曰雨大臣○四年大將軍賴朝大獵富士野關東將士畢會獵罷將還曾我祐成與弟時致夜入工藤祐經營所殺之復父仇也會雹雨士卒出鬪多死者遂斬祐成時致犯賴朝幕被捕曰吾祖祐親將軍仇之吾仇祐經將軍寵之吾是以怨

賴朝殺範賴

源賴朝入朝

焉遂被殺祐成年二十二時致少祐成一歲祐成有妾曰虎大磯娼也及祐成死為尼終身云○賴朝猜忌滋甚曾我一孤之變鎌倉訛傳賴朝遭害政子驚泣範賴時畱守慰安之曰範賴在勿以為憂賴朝聞而惡焉遂範賴於伊豆修禪寺梶原景時勸賴朝殺之乃遣兵攻之範賴縱火而自殺按賴朝與叔父弟姪諸族相肉至是凡八人於是賴朝諸弟僅有僧全成將府孤立無復強援矣○六年大將軍源賴朝入朝遂奉車駕慶東大寺尋

平氏餘黨悉平

還鎌倉○賴朝既置守護地頭而赴任者事功未著獨武藏地頭平賀義信源義光之孫有政績賴朝特加褒賞以旌之○七年平知盛子知忠匿於京師集兵將襲藤原能保能保遣後藤基清等圍攻之知忠自殺先是藤原景清視賴朝慶東大寺雜衆中欲刺之事覺被捕景清不食而死平盛嗣變姓名為氣比道廣既卒圖殺賴朝亦就縛而死平氏餘黨相繼捕斬於是悉平○關白兼實罷以前攝政基通為關白太政大臣

兼房罷○九年正月立皇子為仁為皇太子即日禪位時帝年未弱冠太子幼冲及將禪位源賴朝屢陳不可不聽關白基通等贊成之帝意遂決焉

土御門天皇

諱為仁後鳥羽帝第一子母承明門院源氏內大臣通親養女

在位十三年改元五曰正治建仁元久建永承元

帝即位於太政官廳時年四歲以關白基通攝政尊先帝曰太上天皇聽政院中大納言源通親以外祖用事右大臣藤原兼雅為左

第八十三世紀元千八百五十九年

賴朝薨
子賴家
嗣

大臣權大納言藤原賴實經宗之子為右大臣

正治元年己未正月征夷大將軍源賴朝薨先是

賴朝令稻毛重成修相摸河橋落之賴朝臨觀

及歸墮馬疾作至是遂不瘳賴朝年二十三起兵六歲夷平氏握

天下兵馬者十五年乃歿年五十三賴朝為人

沉毅有度量算不前定未嘗舉事故軍無敗衄

然性猜忌信讒佞多害骨肉功臣焉詔以長子賴家為左近衛權

中將總督諸國守護地頭

史論曰源賴朝以伊豆一羈人銖鋤平氏雖由

奉辭討罪而雅量弘度亦有足以服人心者故

能開霸府于鎌倉傳業二世諸國置守護莊園

置地頭上為天子逮捕通逃而兵馬之權實歸

于已其術亦深矣究其所由則朝廷有以啓之

也夫敵王所懷而獻其功雖十世宥之可也後

白河法皇逼於行家義經之請降追討勅賴朝

藉為口實奏請不已曲在朝廷遂失控馭之術

此國家興廢之所係也

賴襄曰天下之權歸源氏久矣賴義義家經略

東北前後十有五年而朝廷如不關知焉及其

奏功為將士請賞格遷延不決甚而目以私鬪
停之官符使其以私恩喚咻之則是朝廷自舍
其征伐刑賞之柄而付之源氏遂令東北豪傑
曰寧背天子勿背源氏當是時使義家一唾手
起則函嶺以東非朝廷之有也而不敢失臣節
以終其身乃所以貽慶于孫也賴朝之起也豪
傑之素附焉者爭為之用兵鋒所嚮莫不克捷
而會於國家綱紀極隳之時基布所謂素附者
於七道而坐制其命是雖其智術有以劫持上

下籠絡一世則亦時勢之自至焉而其源實出
於父祖之餘慶焉爾夫王家自放失其權而莫
之或收民安所倚哉於是王族之任其器者代
而操之以宰天下亦不得已之勢也賴朝初建
大業以致天下小康而不敢僭踰恭順其迹是
以足利氏以降更起宰天下者皆以上將代操
國權以服事天子莫非襲賴朝之故者則是賴
朝為天下萬世創不得已之事以立不可踰之
限而君臣之際兩得其宜也不然焉知莽操懿

卓不接踵我國哉。雖曰賴朝有功德於天下。勝其父祖可也。

政子與聞政事北條時政執政

賴家既嗣職年十八母政子削髮為尼與聞政事外祖北條時政亦執政賴家有狎臣五人寢淫縱政子驟戒之不悛時政知而弗問○以右大臣藤原賴實為太政大臣○初梶原景時嬖於賴朝構陷忠良及賴家立益恃寵無所忌憚結城朝光嘗受賴朝託輔少子千幡知其不免常自危懼景時果譖之賴家誣其謀廢立朝光

六十餘人罪狀梶原景時

梶原景時被誅

乃與二浦義村和田義盛等六十餘人議同盟連署罪狀景時因大江廣元請誅之廣元欲其和解雷不上義盛促之廣元以實對義盛瞋焉乃上賴家下令逐景時景時奔其邑一宮○二年梶原景時既據邑聚兵欲擁武田有義信義之子為將軍約舉關西兵乃乘夜西奔賴家令三浦義村等追之景時至駿河土人恠而尾擊遂斬景時及子景季景高等梟之有義在甲斐聞之逃亡○建仁元年辛酉帝觀上皇鎌倉部將小山

朝政扈從焉。前越後守城長茂率兵圍朝政第，守兵拒卻之。初，長茂為源義仲所敗，奔會津，降源賴朝。至是，聞賴家昏暴，失衆潛挾異圖，遂犯上皇宮，迫請討賴家。宣旨不許，乃奔匿吉野。朝政索獲斬之。長茂姪資盛據越後，烏坂賴家遣佐佐木盛綱討平之。資盛有姑曰坂額醜，而勇敢善射，虜之歸，淺利義遠請為妻。賴家問其意，對曰：「欲使生勇士以益於君耳。」賴家笑而聽之。○時諸國稍多事，而賴家盤游無度，最好蹴鞠。

賴家好蹴鞠

憂無良師，請之上皇。上皇亦工其技，乃遣鞠工紀行景至鎌倉。大江廣元攜謁賴家，賴家大喜。自是日學習，不復視朝。○是秋風雨洪水，關東禾穀不登。北條氏邑告饑，泰時時政之孫憂之，往而視焉。邑民去歲貸籽種，約今年償之，而不稔也。泰時悉燒其券，慰撫父老，且賜酒食，人給斗米。民皆感泣。時賴家驕奢，不恤民，而泰時畱意農事，人心漸歸焉。○二年，詔以源賴家為征夷大將軍，叙從二位。○內大臣源通親薨，以大

北條泰時燒券

以源賴家為征夷大將軍

納言藤原隆忠基房之子為內大臣。○攝政基通罷以左大臣藤原良經兼實之子代之。○三年源賴家病劇母政子度其不可起與執政時政議繼嗣二分天下使千幡總督關西三十八州賴家長子一幡總督關東二十八州比企能負一幡外祖也以為不可且念滅千幡及北條氏則威柄歸於已乃使其女密告賴家曰今割地頭職叔姪竝立恐威權兩屬爭亂日起宜早為之計賴家然之召能負密議焉政子側耳障外聞其謀

時政殺賴家子一幡

急作書告時政時政托事招能負能負往將入戶伏兵俄起曳去斬之於是其子宗貞等擁一幡據小御所政子乃遣北條義時畠山重忠等攻之宗貞縱火自殺一幡亦焚死黨與多誅廢賴家聞之怒使和田義盛仁田忠常四郎誅時政義盛告之時政時政召忠常而使人殺之因歸罪於忠常曰刃能負者忠常也政子使賴家削髮幽之於伊豆修禪寺而立千幡○詔賜千幡名實朝就拜為征夷大將軍時年十二○元久

以源實朝為征夷大將軍

日本書紀卷之六十一

時政弒賴家

元年甲子七月。賴家見豪華日去。不勝其幽鬱。嚮遺書政子及實朝。請得故左右狎臣。政子不許。至是時政欲殺之。然憚賴家之矯捷。遣人候其浴。飛緇約首以殺之。詐言病死。○太政大臣賴實罷。以攝政良經代之。○二年。參議藤原通具右近衛中將藤原定家等。上新古今和歌集。○時鎌倉有告畠山重忠反。時政遣子義時等擊之。初重忠與平賀朝雅義信之子皆時政女婿。而朝雅所娶其後妻牧氏出。以故最被親愛。時朝雅衛護京師。重忠子重保與之飲。爭禮相詬。朝雅終惡之。於牧氏怒。與時政謀誣重忠父子。以謀反遣兵殺重保。而重忠在其邑。時政使人給告曰。鎌倉有變。宜急來援。重忠即從百餘騎。在途望見義時等兵。絡繹蔽野。始知其實。眾皆勸其還邑。聚兵重忠曰。吾豈劬梶原景時之遁。逃貽譏哉。遂奮戰中箭而死。重忠性忠厚。不與人爭功。賴朝嘗推其長者。委託後事。而為北條氏所陷。天下冤之。○北條時政專擅威柄。凶恣

新古今和歌集成

時政殺畠山重忠

衛護京師。重忠子重保與之飲。爭禮相詬。朝雅終惡之。於牧氏怒。與時政謀誣重忠父子。以謀反遣兵殺重保。而重忠在其邑。時政使人給告曰。鎌倉有變。宜急來援。重忠即從百餘騎。在途望見義時等兵。絡繹蔽野。始知其實。眾皆勸其還邑。聚兵重忠曰。吾豈劬梶原景時之遁。逃貽譏哉。遂奮戰中箭而死。重忠性忠厚。不與人爭功。賴朝嘗推其長者。委託後事。而為北條氏所陷。天下冤之。○北條時政專擅威柄。凶恣

日本書紀

卷之六十一

三十九

高倉遺書

放時政於北條

日積至是老悖滋甚又惑於後妻牧氏之言終謀弑大將軍實朝立平賀朝雅事覺時實朝在其第政子遣諸將遷之於義時第兵皆從歸焉時政勢蹙遽而削髮終放時政夫妻於其邑北條時政年六十八以義時代執政尋遣兵誅朝雅朝雅在京師權勢頗熾是時方侍上皇圍棋從士來告變朝雅從容畢局奏曰關東兵來擊臣無所逃死請辭乃還其第戰而敗死○建永元年丙寅盜殺攝政藤原良經詔索之不獲○以

左大臣藤原家實為攝政尋為關白○承元元年丁卯前關白藤原兼實薨○二年禁專修念佛宗配僧源空於土佐其弟子親鸞於越後親鸞有範之子○復以賴實為太政大臣尋罷○四年帝禪位於皇太弟

明治日本政記卷之十

明治日本政記卷之十一

石川縣 大鄉 穆 編次

順德天皇

諱守成。後鳥羽帝第三子。母修明門院藤原氏左大臣範季女。在位

十一年改元三。曰建曆。建保承久。

帝即位於太政官廳。時年十四。關白家實如

故尊先帝曰太上天皇。初後鳥羽上皇深愛

帝。故使先帝早遜位。自是稱後鳥羽上皇。曰

本院決政。

第八十四世紀元千八百七十一年

建曆元年辛未正月帝觀本院○以右大臣藤原

良輔兼實之子為左大臣內大臣藤原公繼實定之子為

右大臣權大納言藤原信清信隆之子為內大臣○

是歲詔召還僧源空及親鸞○二年頒新制二

十一條○建保元年癸丑初大將軍實朝承賴家

驕奢之餘又自飲宴耽溺歌詠不問府事由是

北條義時日益專橫將士憤怨焉○信濃人泉

親衡源經基子滿快之遠孫奉故將軍賴家少子千壽丸

起兵討北條氏和田義盛二子義直義重姪胤

長等應之義時遣兵執親衡親衡有勇力殺數

十人而逃千壽丸走京師義直等就虜是時義

盛在上總馳歸謁實朝叙己功勞請贖二子實

朝素親信義盛特聽之義盛又率族人乞赦胤

長義時素忌義盛強族欲激而除之乃使人縛

胤長故過義盛前而屬之吏放陸奧義盛慙恚

遂會宗黨謀滅北條氏分兵為三隊分攻義時

及大江廣元而急赴幕府欲取實朝時義時方

與客棋徐起更衣與廣元赴幕府義盛第三子

和田義盛
攻北條義時

十一
年
八
月
十四
日

朝夷名
三郎

義秀

朝夷名
三郎

排門而入所向皆破與足利義氏

鬪攫其鎧袖義氏鞭馬踰壕袖斷義秀奮擊府

兵皆披靡義時廣元擁實朝避兵火法華堂令

長子泰時率諸將防之義盛兵勢甚銳將士多

死傷泰時勵衆力戰義盛遂敗并其七子皆死

獨義秀以五百人航海走安房後不知其所終
或曰赴高麗

於是實朝論功分和田氏邑以賞將士泰時辭

曰義盛非素有反心獨恨臣父耳臣爲父擊仇

焉可受賞竟不受○二年和田義盛遺臣聚京

和田義
盛敗死

源千壽
丸自殺

師謀奉千壽丸舉兵事覺鎌倉兵士攻之黨與

散走千壽丸自殺○時本院憤源氏僭橫有討

伐之志置院西面士廣徵材武親鑄刀劍欲驕

實朝以斃之連進其官爵實朝不覺實朝亦怒

義時專恣而憂其族之日蹙欲飽取官職舉家

聲故每遇叙拜未嘗辭讓也○六年實朝累遷

至權大納言尋進左大將義時廣元等諫其滿

盈不聽○承久元年卯先是北條義時以政子

命迎故將軍賴家子公曉於京師以補鶴岡別

公曉弒實朝

當公曉常憤父遭害謂實朝父仇也竊謀報復至是實朝拜右大臣因行拜賀禮於鶴岡祠據例卜夜將出大江廣元進謁不覺淚下曰是必有故請衷甲自備不聽實朝初使人梳髮拔髮一縷與之哂曰吾遺物也乃出公卿以下悉從義時侍捧劍焉卒稱病作授劍源仲章代己而自祠門退實朝乃屏隨兵獨仲章從禮畢下階公曉自階側跳出揮刀斬實朝及仲章持其首逃去時方闇黑內外騷擾衆索公曉不獲公曉已走備中阿闍梨家飢而食手不釋首其弟子駒若三浦義村子也公曉意謂義村助己乃使人謂曰我當代爲將軍子爲我計之義村給曰請先入我家當以兵奉迎而告狀義時義時稱政子命使速殺之公曉年十九實朝年二十八及葬實朝求其首不獲乃以其髮代之自賴朝起至是

凡三十三
 三年。賴襄曰北條義時之弒其君也假手於其君之從子而後誅從子脫賊名而取討賊之名以奪

君國。人莫敢議。自古弑君之陰狡巧黠。未有如
義時者也。蓋義時使人嗾公曉曰。今將軍者。子
父仇也。子伺其拜賀。刺而斃之。又賺之曰。苟能
斃將軍。則子者。故將軍之子也。可以代之。觀公
曉成事。報三浦義村。使迎己。而義村告之。義時
趣命殺之。滅其口。而可以見矣。而義村與其謀
者也。

山縣禎曰。殺賴家者。時政而非實朝。實朝未必
與知之。則不可以為父讎也。然縱逆臣而不誅

之。則是黨逆者也。公曉之怨之。亦不為無謂也。
但實朝者。繼父祖統。而主鎌倉者也。則不可以
私怨而殺之。獨誅北條可矣。況欲殺實朝。以代
其職。事出於私意。則於復讎之義。又益失矣。豈
陷乎義時之詐謀。而為此迷謬之舉乎。亦可憫
已。

實朝既薨。無子。賴朝之胤絕矣。初。政子詣熊野。
過京師。本院令前相國賴實妻勞之。政子與語。
曰。實朝若無子。敢請得一皇子。為鎌倉主。至是

日本正言 卷之十一 九條 六 高卷 婁 載 反

義時迎
藤原賴
經於鎌
倉

尾將軍

源賴茂火仁
壽殿

第八十五世
紀元千八百

八十一年

義時以其意與諸將連署乞擇本院皇子為將軍本院不許曰是樹二主也左大臣道家賴朝之姻親義時乃定議迎其子賴經於鎌倉時年二歲政子聽斷庶務世稱曰尾將軍而賴朝之業衰矣世稱賴朝賴家實朝曰三代將軍 ○大內守護源賴茂賴政之孫自以為源氏嫡宗因圖自立事覺遣官兵討之賴茂入仁壽殿縱火自殺 ○二年造大內 ○三年四月帝禪位於皇太子

九條廢帝

諱懷成順德帝第三子母東一條院藤原氏攝政良經女在位七十

餘日

帝即位甫四歲太政大臣道家攝政上先帝尊號太上天皇稱曰新院上皇曰中院以別於本院本院決政源氏之衰滅也本院自謂王綱可復而北條義時擁異姓幼穉權勢不撓又與藤原公經相結竊弄朝政本院彌惡焉 ○先是本院幸熊野仁科盛遠攜兒伏謁路傍本院愛其兒擢為西面盛遠感喜竟留京師義時怒其以關東家人恣

日本後

卷之十一

九條

六

高卷 婁 載 反

承久之亂

奉侍奪其食邑。朝旨還與之。義時不聽。本院嬖
 妓龜菊食二莊。其地頭侮慢之。本院怒。令奪其
 職。義時又不奉詔。本院怒。不自制。會三浦胤義
 直衛京師。以妻故。憾義時。過期不還。本院令能
 登守藤原秀康。就論討義時。旨胤義奮曰。臣兄
 義村。膽略絕人。若許以職。則必不肯辭。臣亦當
 遺書勸誘。本院大喜。遂決策焉。○五月。本院託
 城南流鏑馬。集山城大和等十四國兵。削奪義
 時官爵。囚藤原八公經于馬場殿。密遣藤原秀康

北條義時叛

家童押松。齎院宣。諭東國諸豪。特使三浦胤義
 作書誘諭義村。義村以示義時。義時曰。吾夙知
 有此事。殊恠其遲緩耳。因捕押松。奪院宣。燒之。
 政子乃大會諸將士。簾中傳命曰。汝等苟不忘
 故。右大將之恩。則協規同力。以全舊業。若欲應
 院宣。圖關東者。決之今日。諸將感激。皆願効死。
 於是義時會議於家。三浦義村。安達景盛等請
 據足柄。函根。待官軍。大江廣元曰。守嶮曠。日衆
 心內變。不如直進。兵犯京師也。義時從之。遂叛。

秦時諫曰。普天之下。莫非王土。我縱無罪。豈可抗天子。請束手乞降。幸而免死。則隱於山林。義時曰。汝言是也。然可用之明時。而不可施之今世。何者。朝綱方紊。亂庶民沈憂苦。故吾之此舉。不過欲爲天下除患耳。遂部署諸將。自東海東山北陸。二道竝進。秦時先發。已而單騎馳還。見義時曰。若車駕親征。則何以處之。義時默思良久。曰。天威不可犯。宜脫胄斷弦。委身下吏。若遇諸將。鏖戰無遺焉。本院素有膂力。常頗自負。義

時放還押松。令奏曰。聞陛下好戰。臣使子弟帥十九萬人西上。陛下試觀其戰。若猶未饜。則臣請以二十萬人繼之。押松還報。且言東兵旣發矣。舉朝震駭。本院徐曰。東國豈無乘虛誅義時者乎。蓋待三浦義村內變也。乃部署諸軍。宮崎定範。仁科盛遠等拒越中。藤原秀康。三浦胤義等分諸將爲九隊。拒尾張美濃間。兵僅一萬七千餘人。與賊遇。皆敗。秀康等還奏敗狀。中外失色。至是遣權大納言藤原忠信。前權中納言源有雅參議。

藤原範茂率秀康胤義佐佐木廣綱山田重忠等二萬五千騎分守宇治勢多及澱義時弟時房攻勢多重忠截橋力戰卻之泰時攻宇治有雅範茂等壓河而軍時六月雨集水漲撤橋連射賊兵多死泰時令芝田兼義等試水佐佐木信綱繼之其子重綱太年十五攀父馬尾泗而渡兵溺者八百泰時召其子時氏武藏曰我衆將敗汝速渡時氏乃以六騎渡泰時亦將自渡春日貞幸扣馬止不聽貞幸給之曰甲者皆溺

宜釋甲泰時下馬釋甲貞幸牽馬而去不得渡兼義信綱等皆達岸進冒官軍殺傷相當賊毀民家結筏以濟軍泰時遂進官軍敗績藤原朝俊及鏡久綱八田知尚佐佐木氏綱等畱戰死之忠信拒澱亦爲三浦義村等所破秀康重忠胤義走歸奏事本院闔門不納使人謂曰卿等自此去重忠怒敲門罵曰懦主誤我遂走嵯峨自殺胤義等遁走泰時遂長驅入京師本院不知所出乃釋公經復義時官爵救於泰時曰此

舉皆謀臣所誤。唯汝論其罪。泰時下拜不答。與
 時房館于六波羅宮。崎定範之屯市振也。據險
 植柵。張弩山上。北條朝時夜收數十牛。縛炬其
 角。驅之而進。官軍以為兵弩。發牛斃賊。乃從後
 破柵而入。定範不能支。走會仁科盛遠。守礪波
 山。與賊戰。遂敗。盛遠死之。朝時進會泰時于京
 師。於是賊軍填塞街衢。四出捕斬。胤義等尋自
 殺。泰時乃奏求官軍首謀者。本院以權中納言
 藤原光親。參議藤原信能等六人答。乃悉收之。

北條義時廢
帝遷三上皇

押送鎌倉。大江廣元引文治故事。以死論斬于
 途。獨權大納言藤原忠信。以與鎌倉有親。流於
 越後。○北條義時逼帝遜位。立高倉帝孫茂仁。
陪臣廢立天子。前古所未有也。遷本院於隱岐。新院於佐渡。雅
 仁親王于但馬。賴仁親王於備前。中院獨不參
 軍謀。以故不問。然中院不欲獨留。因遷之土佐。
陪臣放流天子。亦前古所絕無也。
 山縣禎曰。泰時之諫。義時義正而言切矣。然而
 不能反覆熟諫。以拯父於不義。舉兵犯闕。亦何

能追其罪哉。及京師陷也。獨誅首謀者可矣。而遷三皇於遠嶋。不亦甚乎。

永井定宗曰。北條氏恣權蔑上之罪。舉兵討之可也。雖然。當是時。義時泰時。施私恩。結豪傑。四方靡然。無不服從者。視之於京師。則有人有道。而上皇不量其時。驟欲動凶器。討之。豈能濟乎。上皇若欲討北條之罪。修德下賢。由道惠民。信衆懷而後舉兵。討之。東軍何抗王師哉。夫兵貴時。動京師君臣。無知兵者。君輕遽舉事。臣倉卒應之。而宇治勢多不守。上皇蒙塵。群卿戮辱。豈不痛乎。

第八十六世紀元千八百八十一年

後堀河天皇 諱茂仁高倉帝皇子守貞親王第三子母藤原氏中納言基家女在位十二年改元六曰貞應元仁嘉祿安貞寬喜貞永○按自帝至光嚴帝凡十二世北條氏以陪臣執國命是為王綱第七變

先帝既遜位。委棄神器於閑院。即日帝踐祚。甫十歲。前關白家實攝政。尊父守貞親王曰。太上法皇。母藤原氏曰。北白河院。北條義時據鎌倉。以鎮東北。畱泰時時房於六

義時置
兩六波
羅

波羅兩府以鎮西南前此義時籍勤王公卿諸
邑三千餘所悉分與戰功將士一無所取焉由

是勢威震天下殆過賴朝矣按自義時至高時
凡七世陪臣專權

是為霸圖
第一變

賴襄曰北條氏既定承久之難留部將鎮京師

建六波羅兩府置四十八所籌卒隸焉名為護

衛宮城其實鎮壓之於是遠近屏息莫敢生心

四方望以倚安焉蓋北條氏以足利氏所以處

鎌倉者以處京師也而足利氏獨任之北條氏

分任之足利氏封襲之北條氏更代之故足利

氏不得鎌倉之力而常患其難制北條氏能制

兩府得兩府之力以制天下凡鎮兩府者任久

乃召還執政取其諳練京畿西國事是可以為

後世之法矣

太政大臣公房罷以攝政家實為太政大臣○

貞應元年壬午攝政家實罷太政大臣○中院自

土佐遷阿波○以內大臣藤原公經為太政大

臣大納言藤原師經賴實子為內大臣○二年太

中院遷阿波

北條義時暴死
泰時為執權

政大臣公經罷。○太上法皇崩諡後高倉院。○
元仁元年甲申北條義時暴死或曰為近侍所殺政子召
泰時于京師嗣為執權時房亦還鎌倉使時氏
泰時之子時盛時房之子代鎮兩府時義時後妻藤原氏
性姦妬以泰時前妻出甚惡之因與弟光宗謀
密說三浦義村欲廢藤原賴經而立女婿藤原
實雅為將軍以所生子政村為執權政子知其
謀因讓義村義村誓白其無他府下物議騷然
政子終抱賴經入泰時第召義村及諸將令大

北條泰時訪僧
高辨

大江廣元卒

江廣元論決逐實雅於京師流光宗於信濃徙
義時妻於北條事乃定廷議流實雅於越前○
初泰時在京師聞柁尾僧高辨名往訪之高辨
語泰時曰治國猶治病也不究其因而藥焉徒
益病耳治亂之因在人之欲公苟絕欲以率之
治可幾矣泰時大悅至是泰時割與父邑諸弟
自取太少曰吾為執權復何求焉○是歲僧親
鸞始倡一向宗○嘉祿元年西配前陸奥守大膳
大夫征夷府政所別當大江廣元卒廣元中納言匡房之

政子薨

下新制三十
六條以藤原
賴經為征夷
大將軍

曾孫起身文學有經世畧鎌倉成霸業廣元之
力居多然廣元素王朝世臣所事非其人後世
論者惜焉○前太政大臣賴實薨○故征夷大將軍

賴朝配北條氏薨○下新制三十六條○二年

以右近衛少將藤原賴經為征夷大將軍○安

貞元年亥京師大火延及大內○是歲僧道元

始倡曹洞宗○二年關白家實罷以前攝政道

家為關白○寬喜二年寅前關白太政大臣基

房薨○三年關白道家罷以左大臣藤原教實

代之○中院土御門崩於阿波帝溫醇慈孝施為

不耀在位年甫十六本院命使傳位於新院順德

帝帝雖心不懌而無幾微形于色間居優游歌

詠自遣本院之討北條氏帝謂時未至矣屢諫

止之不聽王師遂敗及北條義時遷二帝於海

外帝以諫言故獨免焉然欲與本院同其憂使

諭旨鎌倉親冒波濤車駕竟不返崩年三十七

火葬送御骨于京師藏西山金原法華堂

史論曰自天子至於庶人百行莫先乎孝帝之

篤孝酷似高倉帝而有難能者焉本院後鳥羽欲

立順德帝而使帝去位曾無幾微見於天顏此
 非孔子所謂色難者乎本院欲誅北條義時而
 帝諫之此又非孔子所謂幾諫者乎設使本院
 從其言觀釁而動待時而發則豈復有播遷之
 禍哉帝既不預其謀義時亦無所施其悖逆而
 帝必欲與本院同其憂冒波濤之險虺蛇之與
 處蒼梧之駕竟不返天乎及四條帝崩而無嗣
 北條泰時懇求帝胤立後嵯峨帝土御門帝於
 榛莽之中豈非孝感之所致歟天之保佑果不

忒矣

新敕撰和歌集成

第八十七世紀元千八百九十二年

泰時頒式目

貞永元年壬辰權中納言藤原定家俊成之子上新敕撰和歌集定家嘗撰天智帝以來善和歌者一百人人各一首○北條泰時謂訟獄要公理無私不世謂之百一人一首○
 可無可資聽斷者因與三善康連議頒式目五十條○十月帝禪位於皇太子
 四條天皇諱秀仁後白河帝子母藻壁門院藤原氏關白道家女在位十一年
 改元六曰天福文曆
 嘉禎曆仁延應仁治
 帝即位於太政官廳甫一歲尊先帝曰太上

天皇關白左大臣教實攝政教實父道家為
帝外祖而弟賴經為將軍權勢無比朝野傾
心焉。

天福元年癸巳前攝政內大臣基通薨家稱近衛○文

曆元年甲午五月廢帝崩壽十七葬山城伏見塚本町山陵明治

三年追諡仲恭天皇○八月太上天皇崩壽二十三葬山城東

山觀音寺○嘉禎元年乙未攝政教實罷尋薨是為九條祖

以前關白道家攝政○三年攝政道家罷以左

大臣藤原兼經家實之子攝政○曆仁元年戊戌閑院

藤原賴經入朝

成徙御焉○征夷大將軍藤原賴經入朝任權

大納言尋辭而還鎌倉○是歲六波羅置戍兵

於要害之處設篝火以備群盜是謂篝火○延

應元年己亥二月本院後鳥羽帝崩於隱岐壽六十火葬

送御骨于京師藏大原西林院

史論曰人君即位必正其始正其始所以正其

終也自古未有無神器而登極之君元曆踐祚

出於一時之權而不可為萬世法也及帝遜位

惡北條義時之竊權亟欲誅之此誠有為之主

也。然不修德教，不審時勢，而欲以畿輔之招募，捍關東之堅銳，庸可得乎？況將非其人，兵無紀律，萬馬犯關，三院蒙塵，古今未有慘於此者也。寶字之變，以皇太后幽皇帝，保元之禍，以天子徙上皇，事雖不可，而猶得以號於人曰：我流之也。承久之亂，以陪臣制至尊，天地否塞，人神共憤，而又使元弘之世，賊臣得以藉口，豈非不正其始之故耶？後之議者，不能無憾於後白河法皇也。

第八十八世紀元千九百二年

仁治元年庚子北條泰時身以節儉，堅自守，衣服器皿雖敝，弗改造。至是藤原賴經下令鎌倉，禁奢侈。○以攝政兼經為太政大臣，職仍舊。○二年攝政兼經罷太政大臣。○三年正月帝崩，壽十二。帝幼冲，遊戲無度，塗滑石，宮廊欲令嬪御顛仆，而調笑之，誤自倒傷體，遂不起。葬山城泉涌寺後嵯峨天皇諱邦仁，土御門帝第七子，母贈皇太后源氏，贈左大臣通宗女。在位五年。改元一曰寬元。先帝崩無嗣，前攝政道家欲立新院順德皇。

子忠成王而北條泰時素感土御門帝舊德欲立其胤詣鶴岡祠探籌亦協於是決策遣安達義景立帝且謂曰如有新院皇子立則宜廢之義景入京師即夜帝踐祚時曠大位十二日以攝政兼經為關白尋罷以左大臣藤原良實教實代之

北條泰時卒經時為執權

北條泰時卒泰時為人敦親族嘗聞弟朝時家有寇輒起赴援或言其輕身趨於小事泰時曰兄弟急難何曰小事苟喪吾親職重何為朝時

八雲抄 禁秘抄

北條經時廢將軍賴經

聞之感激焉泰時勵精圖治其參政府勤敏不懈以躬率眾又愛儒士嘗謂孫經時曰為政在文不可專用武斷于時氏先死經時嗣為執權○九月新院順德帝崩於佐渡壽四十六火葬送御骨于京師藏大原法華堂側帝英敏好典籍能和歌嘗所親撰有八雲抄禁秘抄承久之役專參謀謨故被遷○前關白太政大臣家實薨○寬元二年甲辰大將軍藤原賴經辭職請以其子賴嗣代之甫六歲賴經時年二十六未有失德亦未倦府政而

辭職其實北條經時欲專權故廢之○前太政大臣公經薨公經女適關白道家生賴經孫女入官為帝后生太子權勢傾一時世稱西園寺又今出川
○四年關白良實罷以左大臣藤原實經道家之子代之○帝禪位於皇太子

後深草天皇

諱久仁後嵯峨帝第三子母大宮院藤原氏太政大臣實氏女

在位四年改元五曰寶治建長康元正嘉正元

帝即位於太政官廳甫四歲以關白左大臣實經攝政尊先帝曰太上天皇聽政院中

第八十九世紀元千九百六年

北條經時卒時賴為執權

時賴廢將軍賴經

北條經時以疾讓職弟時賴尋卒鎌倉物議騷然時時賴從父光時朝時之子有寵於前將軍賴經因勸圖時賴欲自代其職謀泄時賴乃集兵自衛光時度事不濟削髮謝罪時賴流之伊豆又逐賴經於京師令三浦光村等護送光村近侍賴經有年甚被親愛至京師辭還涕泣曰臣必有以報君也○時賴既為執權勵精府政最重得人所擢用上總人青砥藤綱左衛門廉潔剛直不憚權貴好賑貧困自奉甚薄時賴有夢兆欲

加之祿。藤綱辭曰：君今以夢賜祿，他日又以夢斬臣耶？時賴益敬異之。北條氏封人有與人爭田者，時賴處決，不得當。藤綱乃覆案其議，以田還本主。田主德之，密苞錢投其庭內，而為報。藤綱怒，卻之曰：主君司天下之直，故吾為主君助，其所司豈污於汝之貨乎？嘗夜過滑河，誤遺十錢於水中，乃買炬照水索之，炬直五十錢，或笑其得不償失。藤綱曰：五十錢出於吾，入於人，今收十錢存於世，是六十錢終不失一，不亦大益乎？

青砥藤綱索遺錢

乎。其用意周匝如此。○寶治元年丁未攝政實經罷以前，關白兼經代之。○三浦光村既還鎌倉，欲迎復賴經，潛徵兵其邑，勸兄泰村圖滅北條。時賴泰村不果。初時賴外祖安達景盛與泰村爭權相惡，削髮在高野。至是來鎌倉，見時賴密議久之，出見子義景等，讓其受泰村凌辱，適時賴因事宿泰村家，族人悉集，侑酒迭出，更入時賴恠之。夜半聞障內有鎧冑聲，益疑之，決起直從一侍臣而歸。泰村大驚，使使謝罪。時賴慰諭

遣歸而戒心不怠大江季光妻泰村妹也來勸其兄決意舉事亦不果專欲修睦已而景盛率兵來攻泰村愕眙急防之時賴於是遣弟時定六將兵援攻大江季光將往屬時賴因其妻之言轉屬泰村時定縱火上風泰村不能支走入賴朝影堂光村慷慨曰向從關白謂道家密旨則我族將專軍政阿兄猶豫遂取此敗引刀務其面遂自殺其族死者凡二百七十餘人○二年太政大臣通光罷尋薨○建長元年己酉定活價

三浦光村自殺

定活價法

創建長寺

續後撰和歌集成

法○是歲北條時賴創建長寺於鎌倉宋僧道隆來寓焉後謚大覺禪師禪師之號始于此○三年先是命權大納言藤原為家定家之子撰續後撰和歌集至是成奏上○四年前關白道家暴薨初前將軍賴經憤為北條時賴所廢謀滅之不成至是賴嗣又圖時賴遣長久連次郎左衛門等聚兵京師會佐佐木氏信判官縛久連等時賴命鞠之悉得其情誅竄久連等遂廢賴嗣逐之於京師曩二浦光村之死以違道家密旨遲疑誤事為

北條時賴廢將軍賴嗣

日本正言

卷之十一

二十一

萬葉集卷之十一

立宗尊親王

以宗尊親王為征夷大將軍
下新制十八條

憾時賴聞之深恨故道家之薨世稱其不良死云○時賴既廢賴嗣奏請立上皇皇子宗尊親王為鎌倉主成政子志也○四月詔拜親王為征夷大將軍○攝政兼經罷以左大臣藤原兼平之子代之尋為太政大臣○五年下新制十八條○是歲僧日蓮始倡法華宗○六年以攝政兼平為關白○康元元年丙辰北條時賴有疾以子時宗猶幼令族長時代為執權○正元元年己未前關白兼經薨稱岡屋○帝禪位於皇太弟

第九十世紀元千九百二十年

時賴卒

龜山天皇諱恆仁後深草帝同母弟在位十五年改元三曰文應弘長文永帝即位於太政官廳年十一關白兼平攝政上先帝尊號太上天皇稱曰新院前太上天皇曰本院本院決政弘長元年辛酉關白兼平罷以前關白良實復代之○二年北條時賴卒時賴在職遵守賴朝舊制及泰時式曰士民翕然悅服內外稱治矣及解職微服周覽四方訪民疾苦察冤枉由是郡國守宰皆自奮勵風化最行嘗造最明寺間居

焉。學禪於宋僧道隆。臨卒作偈曰。業鏡高懸。三十七年。一槌破碎。大道坦然。蓋享年三十七。故言。

史論曰。世謂時賴為僧。巡省風俗。不急於求賢。而徒勞於自為非為治之道。大率以此病之。殆不然也。時賴退居最明寺。則鎌倉一間人耳。夫天下之大。郡國之廣。豈能得周流而悉知其情偽哉。然舉一善則天下勸。除一害則萬民蘓。壞衲敝履。不憚跋涉之勞。而鎌倉之政令出於幕

二十
百

王
宗

北
宗

府者。固自若也。無損于治體。而有益于採訪。出世而經世。其用心乎民瘼。固非逸豫求安者之所能為。未可以此訾之也。青砥藤綱。耿介鯁直。時賴推而用之。遂以廉吏稱。由是觀之。時賴在職之日。能得人材如此。豈謂不急於求賢哉。青山延于曰。北條泰時居執權之職。勤儉廉潔。以身率下。風化大行。時賴繼之。善守其軌制。由是海內乂安。風俗淳朴。後世言治者。必稱泰時。時賴後之人。牧苟欲致治。可不則而徇之哉。

續古今和歌集成

北條時宗廢將軍宗尊親王

以惟康王為征夷大將軍

文永元年甲子北條長時罷執權政村代之○二年關白良實罷以左大臣藤原實經代之○權大納言藤原為家上續古今和歌集○三年僧良基嚴慧等素親近將軍宗尊親王竊與其黨謀滅北條氏宗尊實不之知至是謀泄良基奔高野山絕食而死嚴慧亡命時宗尊稱病不出物議騷然北條時宗與政村議廢宗尊逐之於京師立其子惟康王甫三歲○七月詔叙惟康從四位下任征夷大將軍○四年關白實經罷

卻蒙古使

再卻蒙古使

以左大臣藤原基平兼經之子代之○五年是時蒙古犯宋近鄰諸國皆服事焉獨我朝不通使聘蒙古主忽必烈令高麗人致書於我曰不服則用兵朝廷下之大將軍府議北條時宗以為書辭無禮乃卻不受○北條時宗執權政村為副○關白左大臣基平薨○以左大臣藤原基忠兼平之子為關白○六年高麗嚮遣使蒙古報我卻使者之狀忽必烈不信疑其託言風濤中道而還再遣使者黑的等期於必達至是高麗使其

三卻蒙古使

臣申思徑導黑的等復來對馬請前年答書對馬守拒而不納虜嶋人塔二郎彌二郎去既而高麗送還二人○七年前關白左大臣良實薨是為二條之祖○八年蒙古遣使者趙良弼與高麗使俱來太宰府府索其國書良弼不與曰當自致之王都不則必呈之將府府強之乃以寫本示之府致之鎌倉鎌倉遣使奏之朝議欲答書北條時宗又以為不可奏止答書令太宰府逐還良弼是歲忽必烈改國號曰元○九年二月本

北條時宗殺時輔

院崩後嵯峨帝帝雖為北條氏所擁立而常痛土御門帝蒙塵欲蒞時有為遜位之後猶聽政二十六年而朝廷大事皆仰成鎌倉勢不得不然也至是崩壽五十三火葬藏御骨法華堂○先是北條時宗為執權其庶兄時輔愧下於弟至是謀舉兵京師時宗遣兵殺之○十年關白基忠罷以前右大臣藤原忠家教實之子代之○十一年帝禪位於皇太子

第九十一世紀元千九百

後宇多天皇

諱世仁龜山帝長子母京極院藤原氏左大臣實雄女在位十

三十五年

四年改元二
曰建治弘安

帝受禪甫八歲初後深草上皇及先帝皆後
嵯峨帝之皇子相繼即位而後嵯峨帝特愛
先帝有英氣以為可繼其志因遺詔令先帝
之後永承皇統至是帝立即奉其遺詔也關
白忠家攝政尊先帝曰太上天皇聽政院中
攝政忠家罷以左大臣藤原家經實經之子代之先
是北條時賴奏分藤原氏為五派更任攝錄以
判其權忠家家經其一家也近衛鷹司九條二
條一條世稱曰五

元兵入寇

攝家即攝政家略語也忠
家為九條家經為一條 ○元遣使來前後數
次皆卻不受忽必烈積怒日久至是遂發舟師
合高麗兵凡三萬來寇對馬地頭宗資國戰死
之轉攻壹岐守護代平景隆死之虜遂取二嶋
獲男子皆殺女子以繩穿掌繫之船進侵沿海
諸邑登陸迫攻進退有法每退發火器聲如震
霆虜見死者屠腹食肝殺牛馬亦悉食之太宰
府發兵力戰防之少貳景資射殪賊將劉復亨
虜軍夜逃府兵追之不及獲船一隻斬虜百二

北條時宗斬元使

十人而我兵素習搏戰常以脫隊挺進得捷而
 是役反為所殺者多始悔不知外夷戰法云○
 建治元年元兵既逃還而忽必烈猶持初志
 遣使者杜世忠等與高麗人來長門講和欲必
 得我報乃押送世忠等於鎌倉北條時宗斬之
 命太宰府及沿海諸國修守備遣還西兵衛京
 師者以東兵充之○攝政家經罷以前關白兼
 平鷹司代之○十一月立熙仁親王為皇太子初
 後嵯峨帝之崩也遺詔令龜山上皇後永承皇

元兵入京

始置探題

統授後深草上皇長講堂領以充子孫封邑而
 龜山上皇聽斷庶政後深草上皇不預焉甚不
 懌及帝嗣位益憤恨北條時宗於是議以後深
 草上皇皇子熙仁親王為帝儲貳意乃釋矣○
 北條時宗以北條實政為九州探題置探題始于此益
 築太宰府水城省冗費充兵備○二年太政大
 臣通雅罷尋薨○以攝政兼平為太政大臣職
 仍舊○是歲僧一遍始倡時宗世謂之游行上人○三
 年攝政兼平罷太政大臣尋為關白○弘安元

續拾遺和歌集成

日本正言

卷之十一

萬卷樓藏版

年寅前權大納言藤原為氏為家之子上續拾遺和

歌集○二年元主忽必烈大造戰艦將來寇用

宋降將范文虎言先遣文虎等來文虎遣部將

周福樂忠等至太宰府猶說和議北條時宗乃

斬周福等於博多令關東將士至鎮西以嚴守

備是歲忽必烈遂滅宋勢益強大蠻夷致貢者

千餘國○四年元主忽必烈憤我再誅使者大

發舟師兵凡十餘萬以范文虎將之與高麗人

入寇舳艫千里旌旗蔽海直犯壹岐對馬我兵

時宗再斬元使

元兵再入寇

拒之不利虜聞小兒啼聲必搜而殺之土人皆

殺小兒虜進侵太宰府北條實政徵九州兵會

太宰府所築海堤綿亘數百町高丈餘峻削便

俯射然衆懲前年役頗有難色獨實政部將草

野七郎潛放輕舸夜襲虜船燒之殺獲十餘人

虜聚大艦鍊鎖聯之列弩其上我兵相誡曰勿

脫隊獨進時河野通有與伯父通時放二舟指

巨艦旗幕最華麗者而進虜發矢禦之二人皆

被創然神色益壯遂攀虜艦登之殺數十人擒

日本正言

卷之十一

二十八

萬卷樓藏版

一虜將返我舟陸續迎之通時創最重遂死於舟中安達次郎大友藏人踵進各有所獲虜終不能登岸退據鷹嶋范文虎懼先逃是時京師訛言九州皆為賊陷矣朝議二上皇宜避鎌倉召東兵守京師而未果龜山上皇尤深為憂親祈石清水奉手書於伊勢大廟祈以身代國難北條時宗亦聞賊甚熾令宇都宮貞綱將兵援實政而未到閏七月大風雷激浪摩盪虜艦悉壞溺死無算少貳景資乘勢掩擊斬殺殆盡流

殲元賊

北條時宗卒

屍填海海如平地虜兵十萬脫歸者僅二人按忽必烈聞敗大怒後○七年北條時宗卒時宗為人強毅不撓幼善射父時賴嘗曰可堪負荷及在職果剪滅元寇宣揚國威後不復有邊患時宗之力也子貞時嗣為執權甫十四
 史論曰時宗斬元使或疑此激元主之怒而速其兵也嗚呼可乎曰不然彼挾彊大之勢以臨我我屈伏以事之彼將責我以稱藩朝貢而凌辱誅求之無厭也夫赫赫天孫之胄臨馭瑞穗

系年
北條

國代天子民之道固無假於彼而張夸辭以脅制我是蠻夷我也時宗執其使而戮之宣揚威武震懾外國其舉甚善矣彼欲洩怒於我則我固有備選將蒐卒屯戍沿海軍國之需一無所闕故元主大興舟師來寇而卒不能得志雖由神明之祐亦時宗堅忍不拔之志與防禦得宜之所致也元主創艾不能再舉永無西陲之虞時宗之功不亦偉乎

八年北條貞時既襲父職外祖安達泰盛恃勢

驕肆與貞時家宰平賴綱左衛門爭權泰盛子宗

景左衛門尉性狂妄自言曾祖實賴朝子也遂改姓

源氏賴綱因譖之於貞時曰彼更姓圖篡奪也

貞時乃發兵夷滅安達氏人以為三浦氏之報

也賴綱執政日擅威福無何謀反伏誅○十年

關白兼平罷以左大臣藤原師忠良實之子一條代之

○帝禪位於皇太子

伏見天皇諱熙仁後深草帝第二子母玄輝門院藤原氏左大臣實雄妹在位

十二年改元二日正應永仁

貞時滅
安達氏

第九十二世
紀元千九百
四十八年

帝受禪年二十三左大臣師忠為關白如故
上先帝尊號太上天皇稱曰新院後深草上
皇曰本院龜山上皇曰中院

正應元年子戊三月帝即位於太政官廳○關白

師忠罷左大臣○十一月新院皇子尊治生後醍醐

帝醍醐○二年關白師忠罷以右大臣藤原家基基平

之子代之○立皇子胤仁親王為皇太子○以

准大臣源基具超為太政大臣○將軍惟康親

王謁鶴岡祠儀仗盡美將士崇敬北條貞時聞

北條貞時廢將親軍惟康

以久明親王為征夷大將軍

淺原為賴伏誅

其有異志遽廢之倒載網代輿送還京師東人

曰將軍謫於京師也貞時奏迎皇弟久明親王

為鎌倉主○詔叙久明親王三品任征夷大將

軍○二年賊淺原為賴八郎夜入禁中伏誅為賴

就宮女問帝所在女給之曰在南殿為賴赴之

女急入內上變帝實在中宮乃女裝避春日殿

殿宿衛赴討為賴至紫宸殿而自殺誅叛臣自

是凡十八人送屍六波羅時檢其箭鏤曰太政大臣

為賴為賴素甲斐源氏性無賴以豪盜聞其佩

刀即前參議藤原實盛家藏也。因收實盛父子。初帝之登祚也。中院以違後嵯峨帝遺詔之旨。愠之。為賴之謀逆。時論皆疑中院所使權大納言藤原公衡奏本院請遷中院於六波羅。本院不聽。於是中院賜書於北條貞時。誓其無他事。乃得釋。○四年。關白家基罷。以左大臣藤原忠教忠家之子。九條。代之。○關白忠教罷。左大臣內大臣藤原實兼為太政大臣。尋罷。○永仁元年癸巳。關白忠教罷。以前關白家基復代之。○二年前。關

東 武野大將 八即王

第九十三世 紀元千九百五十九年

白太政大臣兼平薨。稱念院。是為鷹司祖。○四年。關白家基罷。尋薨。○以左大臣藤原兼忠家忠之子。鷹司。為關白。○六年。帝禪位於皇太子。後伏見天皇。諱胤仁。伏見帝長子。母准三宮藤原氏。參議經氏女。在位四年。改元。曰正安。帝受禪。年十一。初。先帝密使人諭於北條貞時。曰。中院每憤承久事。陰有所圖。若立其後。非卿之利也。貞時乃定策立帝。關白兼家攝政。尊先帝曰太上天皇。聽政院中立。邦治親

王為皇太子。太子長帝三歲。

帝即位於太政官廳攝政兼忠罷。以左大臣藤

原兼基師忠之子。二條代之。○正安元年己亥元僧一山

來。先是元主忽必烈死。孫鐵木兒欲成先主遺

志。以我信佛。至是使一山來議。和北條貞時怒

放之。伊豆後遂歸化。乃延居建長寺。新院後宇多帝

屢召問禪法。○二年以攝政兼基為關白。○三

年帝禪位於皇太子。

後二條天皇諱邦治。後宇多帝長子。母西華門院源氏內大臣貞守女。在位

六十二年

七年改元三。曰乾元。嘉元。德治。

帝即位於太政官廳。初新院以北條貞時立

先帝。遣大納言藤原定房。讓其再違後嵯峨

帝遺詔。於是貞時逼先帝傳位於帝。時年十

七。尊先帝曰太上天皇。是時本中新三院并

前後伏見二帝共五上皇。上皇之多。前此所

未有也。新院聽政院中。

帝既立。北條貞時奏定本院中院兩統迭立之

議。限以十年。倣藤原氏分為五派之例也。後世

北條貞時定兩統迭立之議

第九十四世紀元千九百

元僧一山來歸

後宇多帝

論者以為元弘之亂實兆于此矣。

史論曰。兩宗迭立之議出於一時姑息之計。豈

得為長久之道乎。况天位限以十年。開闢以來

所未聞也。陪臣執國命。君若贅旒。然可悲也矣。

賴襄曰。兩統迭立之議出於北條氏。猶其分攝

家為五派。使其勢相爭而不相合。而我得持權

樹恩於其間。可謂巧詐極矣。而其取滅亡實基

於此。

以前內大臣源定實為太政大臣。○立富仁親

王為皇太子。○北條貞時罷執權師時貞時代

之時。村政村為副。○乾元元年壬寅太政大臣定

實罷。以右大臣藤原公孝德大寺代之。○嘉元元

年癸卯前權大納言藤原為世上。新後撰和歌集。

○二年太政大臣公孝罷。○七月本院崩。帝性

孝友和順。事後嵯峨帝承意不違。待龜山上皇。

推誠甚厚。崩年六十二。火葬藏御骨法華堂○三年關白

兼基罷。以左大臣藤原師教忠教之子代之。○九

月。中院崩。帝性英邁。夙為後嵯峨帝所愛。而遜

新後撰和歌集成

位後每有意壓後深草帝故於其仁厚之德時論不之足也性又淫蕩頗有醜聲至是崩壽五

十七火葬分藏御骨淨金剛院法華堂南禪寺金剛峯寺○德治元年丙午

以前內大臣藤原實家條為太政大臣○北條

貞時廢大將軍久明親王送還京師立其子守

邦王北條氏逐將軍至是凡四人矣○詔以守

邦為征夷大將軍○八月帝崩壽二十四葬北白河

殿皇太子立○尊元平大御家

賴襄曰北條氏之悖逆極矣敢廢立天子進退

北條貞時廢將軍久明親王
以守邦王為征夷大將軍

宰輔易置大將軍如奕棊然而其家得傳九世

無天道耶曰天之立君為民也非為相也而庸

相以為為己也後世人主務奢泰淫佚以位為

樂以竭天下之民力而以為當然是以盜賊公

行矣夷虜內犯矣則曰是武臣之任耳非吾所

親治也噫如此而欲以長持天職以託於民上

天豈聽之乎所謂武臣者則終身百戰以除民

害而不能得朝廷官爵官爵名也權利實也名

出於朝廷實出於天天以其實與源氏故源氏

收天下之實而朝廷擁其名而已然其曰征夷
大將軍者有其實焉故朝廷亦從而予其名也
至其子孫乃貪其虛名又忘其職而樂於驕奢
淫佚所以其權利歸於北條氏也北條氏別立
主以嗣源氏之名而已守其實唯守其實也故
其世世所務在於養民養民非自勤不可如曰
吾務盡心於其實名非吾所敢貪也是以北條
義時雖遷官猶稱原銜子孫皆循其遺意終於
相摸守武藏守而相摸守武藏守能易置大將

軍能進退攝政關白能廢立天子何哉天下之
實在於此也天下之實在於此而自儉勤以養
民是不有天位而為天職也當時天子與宰輔
將軍徒擁其名以敵其實欲收奪其權而不知
天之所右在彼不在此不然烏以此悖逆之徒
而得傳九世乎至於高時一為驕奢淫佚則天
誅不旋踵嗚呼豈曰無天道哉

花園天皇

諱富仁伏見帝第三子母顯親門院藤原氏左大臣實雄女在位十

第九十五世
紀元千九百
六十八年

二年改元四曰延慶應長正和文保

六十八年
崩示十八日
庚辰十五世

帝踐祚於土御門東洞院殿。甫十二。關白師教攝政。太政大臣實家如故。立中務卿尊治親王為皇太子。

延慶元年戊申帝即位於太政官廳。○攝政師教罷。以左大臣藤原冬平基忠之子鷹司代之。○二年。太政大臣實家罷。以前內大臣藤原信嗣大炊御門代之。○三年。太政大臣信嗣罷。以攝政冬平代之。職仍舊。○應長元年辛亥以攝政冬平為關白。○北條貞時卒。貞時留意府政。慕祖時賴之風。及

北條貞時卒

玉葉和歌集
成

辭職屢被緇衣。周覽郡國。問民冤枉。多所摘發。吏不得欺也。又或發間使令巡察。間使往往成奸。終親往按之。云。○先是北條師時時村並死。及貞時卒。子高時猶幼。族基時貞顯以遺命連署行事。以輔高時。○正和元年壬子前大納言藤原為兼為家之孫上玉葉和歌集。○二年。關白冬平罷。以左大臣藤原家平家基之子近衛代之。○四年。冬平復為關白。○五年。關白冬平罷。以左大臣藤原道平兼基之子二條代之。○北條高時為執權。時年

王業味燦

十四。基時辭連署。舅安達時顯。與內管領長崎


圓喜戮力輔高時。○文保元年丁巳九月。前太上

天皇崩。伏見壽五十三。火葬藏御。○帝禪位於

皇太子。

[Faded bleed-through text from the reverse side of the page]

明治日本政記卷之十一




Kodak Gray Scale



© Kodak, 2007 TM: Kodak

A 1 2 3 4 5 6 **M** 8 9 10 11 12 13 14 15 **B** 17 18 19



Kodak Color Control Patches

© Kodak, 2007 TM: Kodak

Blue Cyan Green Yellow Red Magenta White 3/Color Black

